

AUGLÝSING

um deiliskipulag „Skólar 1“ á Reyðarfirði, Fjarðabyggð.

Samkvæmt skipulags- og byggingarlögum hefur bæjarstjórn Fjarðabyggðar þann 5. febrúar 2004 samþykkt deiliskipulag „Skólar 1“ á Reyðarfirði. Deiliskipulagið tekur til lóða grunnskóla og spennistöðvar við Heiðarveg og íþróttahúss við Melgerði.

Greinargerð og uppráttur hafa hlotið þá meðferð sem skipulags- og byggingarlög mæla fyrir um. Deiliskipulagið öðlast þegar gildi.

Fjarðabyggð, 23. febrúar 2004.

F.h. bæjarstjórnar Fjarðabyggðar,

Guðmundur Bjarnason bæjarstjóri.

SKIPULAGSSKRÁ

fyrir Landbótasjóð Búnaðarfélags Svínavatnshrepps.

1. gr.

Sjóðurinn heitir Landbótasjóður Búnaðarfélags Svínavatnshrepps. Sjóðurinn er sjálfseignarstofnun og starfar samkvæmt lögum nr. 19/1988. Lögheimili sjóðsins er að Dalsmynni Svínavatnshreppi.

2. gr.

Sjóðurinn er stofnaður af Svínavatnshreppi fyrir framlag Landsvirkjunar samkvæmt samningi sveitarfélagsins og Landsvirkjunar dags. 20. mars 2003 um eingreiðslu vegna áburðargjafar og uppgræðslumála sem kveðið er á um í samningi sömu aðila frá 15. mars 1981 vegna Blönduvirkjunar.

3. gr.

Stofnframlag sjóðsins er 55.000.000 – krónur fimmtíuogfimmilljónir/100 – og greiðist með eftirfarandi hætti:

Við stofnun sjóðsins kr. 600.000.

Þann 1. mars 2004 kr. 54.400.000.

Bundið stofnfé í sjóðnum er kr. 600.000.

4. gr.

Tekjur sjóðsins eru:

1. Framangreint stofnframlag.
2. Frjáls framlög lögaðila og einstaklinga.
3. Vextir og arður af eigin fé.

5. gr.

Hlutverk sjóðsins skal vera að veita framlög og standa fyrir uppgræðslu og landbótum innan núverandi sveitarfélagsmarka Svínavatnshrepps. Verði mörkum Svínavatnshrepps breytt eða sveitarfélagið sameinað öðrum skal það ekki breyta starfssvæði sjóðsins.

6. gr.

Stjórn Landbótasjóðs Búnaðarfélags Svínavatnshrepps skal skipuð þremur mönnum og þremur til vara skipuðum af stjórn Búnaðarfélags Svínavatnshrepps til þriggja ára í senn og skal einn stjórnarmanna ganga úr stjórninni árlega. Í fyrsta sinn sem skipað er í stjórnina skal einn stjórnarmanna skipaður til eins árs, annar til tveggja ára og hinn þriðji til þriggja ára og skal dregið um röð þeirra. Stjórn Búnaðarfélags Svínavatnshrepps skipar formann sjóðsstjórnar.

Stjórnarmenn skulu allir eiga heimilisfesti á jörðum sem eru innan sveitarfélagsmarka núverandi Svínavatnshrepps.

7. gr.

Sjóðsstjórnin skal leggja starfsskýrslu sína og ársreikning sjóðsins fyrir stjórn Búnaðarfélagsins vegna næstliðins árs í síðasta lagi fjórum vikum fyrir afgreiðslu ársreikninga Búnaðarfélagsins. Reikningarnir skulu staðfestir af löggiltum endurskoðanda og sendir Ríkisendurskoðun ásamt starfsskýrslu sjóðsins eigi síðar en þann 30. júní ár hvert.

8. gr.

Reikningsárið er almanaksárið. Sjóðsstjórnin sér um varðveislu eigna og ávöxtun á fé sjóðsins. Sjóðnum er eigi heimilt að veita lán af eigin fé sínu. Sjóðsstjórn skal leitast við að tryggja sem besta ávöxtun sjóðsins á hverjum tíma án þess að stofna fé hans í hættu og gæta þess að eignir skili eðlilegum arði. Stjórn sjóðsins er heimilt að skerða eigið fé sjóðsins við úthlutun úr honum um allt að 2% árlega en þó eigi fyrr en við úthlutun árið 2008.

Ekki er heimilt að skerða hið bundna stofnfé.

9. gr.

Stjórn sjóðsins ákveður framlög til einstakra verkefna og er henni heimilt að auglýsa eftir tillögum um þau.

Ákvarðanir um framlög hvers árs, til einstakra verkefna, skulu teknar af stjórn fyrir 1. maí ár hvert.

Ekki er skylt að veita framlög á hverju ári.

Sjóðsstjórn setur nánari reglur um úthlutun úr sjóðnum í samræmi við markmið hans og með tilliti til ákvæða í 5. gr. og 8. gr.

10. gr.

Sjóðsstjórnin skal fyrir hvert ár gera fjárhagsáætlun fyrir sjóðinn og leggja hana fyrir stjórn Búnaðarfélagsins til kynningar í upphafi hvers rekstrarárs. Rekstrarkostnaður Landbótasjóðs Búnaðarfélags Svínavatnshrepps greiðist úr sjóðnum, þar með talinn kostnaður vegna úthlutunar, úttekta, stjórnunar, umsjónar og reikningsskila.

Verði árlegu ráðstöfunarfé ekki öllu ráðstafað samkvæmt framanskráðu skal heimilt að leggja afganginn við framlag næsta árs.

11. gr.

Stjórn sjóðsins skal halda gerðabók þar sem skráðar eru fundargerðir stjórnarfunda. Þar skal einnig skrá öll erindi er berast stjórn og með hvaða hætti þau eru afgreidd.

12. gr.

Skipulagsskrá sjóðsins má því aðeins breyta að meirihluti stjórnar sjóðsins sé því samþykkt og breytingar hafi verið samþykktar með að minnsta kosti 2/3 hlutum greiddra atkvæða á lögmatum aðalfundi Búnaðarfélags Svínavatnshrepps enda hafi breytingar verið kynntar í fundarboði.

Leitað skal staðfestingar dómsmálaráðuneytisins á breytingum á skipulagsskránni.

13. gr.

Skipulagsskrá þessi var samþykkt í hreppsnefnd Svínavatnshrepps 5. febrúar 2004.

Leita skal staðfestingar dómsmálaráðherra á skipulagsskrá þessari.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytinu, 1. mars 2004.

F. h. r.

Hjalti Zóphóníasson.

Bryndís Helgadóttir.

GJALDSKRÁ

Hitaveitu Seltjarnarness.

I. KAFLI

1. gr.

Hitaveita Seltjarnarness selur hitaorku úr hitakerfum þeim, sem gerð hafa verið eða verða gerð á Seltjarnarnesi og til þeirra húsa, sem fá vatn frá aðfærsluæð, eftir þeim reglum sem settar eru í gjaldskrá þessari sbr. og reglugerð fyrir Hitaveitu Seltjarnarness staðfesta 7. september 1971.

2. gr.

Hitaveita Seltjarnarness lætur hverju húsi, sem er í sambandi við vatnsæðar hennar, í té vatnsmagn, er ætla má að nægi til hitunar í húsinu, enda séu ofnar hússins nægilega stórir að dómi hitaveitustjóra.

Hitaveitan lætur setja rennslismæla við hvert upphitunarkerfi og miðast gjald hitaveitunnar fyrir selda orku við mælda rúmmetra vatns.

Hitaveitan lætur húseigendum í té aukamæli, ef þess er óskað.

II. KAFLI

3. gr.

Gjöld fyrir afnot heita vatnsins eru sem hér segir:

	kr.	
a) Fastagjald á mánuði fyrir hvern mæli	250,00	+ 14% vsk
b) Vatnsgjald fyrir hvern rúmmetra	39,00	+ 14% vsk
c) Vatnsgjald fyrir hvern rúmmetra til snjóbræðslu	39,00	+ 24,5% vsk
d) Vatnsgjald fyrir hvern rúmmetra til iðnaðar	39,00	+ 24,5% vsk
e) Vatnsgjald fyrir hvern rúmmetra til sundlauga	19,50	+ 14% vsk

4. gr.

Hitaveitugjöld skv. 4. gr. verða krafín annan hvern mánuð og skulu þau greiddast til innheimtustofnunar, sem bæjarstjórn ákveður. Það eru vanskil ef gjöld eru ekki greidd innan 15